



REPUBLIKA E KOSOVËS
REPUBLIKA KOSOVA-REPUBLIC OF KOSOVA
KOMUNA –SUHAREKË
OPSTINE SUVA REKA
THE MUNICIPALITY OF SUHAREKA



ZYRA E KRYETARIT
KËSHILLI KOMUNAL PËR SIGURI NË BASHKËSI

Nr.Prot.	02/2022
Për:	Kryesuesin e Kuvendit të Komunës së Suharekës- z. Bexhet KUÇI
Nga:	Kryetari i Komunës në Suharekës, njëherit Kryesues i KKSB-së
Lënda:	Informatë për aktivitet e KKSB-së, për 6 mujorin e dytë të vitit 2022
Datë:	06.01.2023

Nga takimet e Këshillit Komunal për Sigurinë e Bashkësive (KKSB), në Komunën e Suharekës, të paraparë sipas Udhëzimit Administrativ të nënshkruar nga Ministria e Punëve të Brendshme dhe Ministria e Administrimit të Pushtetit Lokal 27/2012, MPB dhe 03/2012, MAPL për themelimin e Këshillave Komunale për Siguri në Bashkësi KKSB, ju dërgojmë këtë:

I N F O R M A T Ë

Pas konstituimit të organeve të Komunës në Suharekë, të daluar nga zgjedhjet lokale të vitit 2021, Kuvendi i Komunës në muajin janar të vitit 2022, ka themeluar Këshilli Komunal për Siguri në Bashkësi (KKSB-në), konform Ligjeve dhe akteve tjera nënligjore të aplikueshme në Republikën e Kosovës, si organ këshillues për çështjet e sigurisë në bashkësi me përfaqësim të gjerë të të gjitha komuniteteve dhe përfaqësues të shoqërisë civile.

Këshilli Komunal për Siguri në Bashkësi (KKSB-ja) për periudhën **korrik-dhjetor të vitit 2022**, ka mbajtur tri (3) takime të rregullta dhe ato konform planit të veprimit të miratuar nga Kuvendi i Komunës së Suharekës.

Në këto takime kanë marrë pjesë kryesisht shumica e anëtarëve të Këshillit të (KKSB-së).

Në takimin e katërt (4) të rregullt të mbajtur me datën 18.08.2022, tema diskutimi kanë qenë:

- Trajtimi i mbrojtjeve të pyjeve nga dëmtuesit ilegal ;
- Informatë për fillimin e procesit mësimor dhe çështja e sigurisë nëpër shkolla;
- Informatë dhe analizë nga policia e Suharekës për çështjen e vjedhjeve dhe sigurisë së përgjithshme;

Mbrojtja e pyjeve është pak sa problem, kemi marrë 107 vendime nga gjykata për dënimet e shqiptuara për kundërvajtësit e pyjeve, dëmtues të pyjeve më së shumti kemi në territorin e Budakovës nga personat e fshatrave të Komunës së Ferizajt kemi pas edhe aksione në bashkëpunim me policinë për ti parandaluar dëmtimet e pyjeve.

Krahasuar me vitet e më parshem sipas informatave, kemi më pak dëme sa i përket pyjeve. Në bashkëpunim me policinë do ti caktojmë disa lokacione nëse mundemi mi vendos kamerat do t'ishte kryer një punë shumë e madhe dhe do të na ndihmon në evidentimin e dëmtueseve recidivist të dëmtimit të pyjeve.

Me kërkesën e policisë kemi ber vlerësimin e dëmeve me komision në pyje private në disa lokacione si në Budakovë, Maqitevë, Drgaqinë si dhe në Grejgjecë.

Si konkluzione apo rekomandim nga ky takim ka dalë që: drejtorja e bujqësisë e Suharekës dhe e Ferizajt të bashkëpunojnë pasi që ka dëmtues edhe nga Ferizaji me qëllim të marrjes së masave për parandalimin e kësaj dukurie dhe të shiqohet mundësia e vendosjes së kamerave në disa lokacione.

Të gjitha shkollat kanë qenë të hapura nga stafi për shërbime të ndryshme administrative gjatë gjithë sezonës verore. Po punojmë në përmirësimin e kushteve higjeno-teknike. Procesi do të filloj normalisht. Ne jemi gati për fillimin e vitit shkollor. Në secilën shkollë kemi krijuar nga një këshillë të sigurisë, dhe po ashtu kemi krijuar këshill për fëmijët me nevoja të veçanta.

Si konkluzione apo rekomandim nga ky takim ka dalë që: bashkëpunimi nxënës-shkollë-prind dhe mësimdhënës të jetë edhe më i lartë.

Për të parë një gjendje të sigurisë mund t'u them që në disa vepra kryesore dhe serioze që shqetësojnë qytetarët dhe ne si organ i sigurisë siç janë vjedhjet e rënda dhe vjedhjet, kemi një rënie nga viti në vit por në këtë vit numri i rasteve të përgjithshme ka ramje -10 % dhe me një zbulueshmëri të kënaqshme të këtyre rasteve si domos të vjedhjeve të rënda.

Kryesisht gjatë kësaj periudhe jemi marruar me së shumti me çështjen e sigurisë sa më të mirë për qytetarët dhe për sigurinë e nxënësve për rrethe shkollave dhe vendeve ku dyshohet për dukurit negative.

Si konkluzione apo rekomandim nga ky takim, ka dalur: që të rritet edhe më shumë bashkëpunimi i policisë me qytetarët për të parandaluar dhe zbuluar autorët e vjedhjeve si dhe për çështje të komunikacionit, të merren masa më rigorozë ndaj shkelësve të rregullave por gjithmonë brenda suazave të ligjeve ekzistuese.

Në takimin e pestë (5) të rregullt të mbajtur me datën 18.10.2022, tema diskutimi kanë qenë:

- Përgatitja e planit të veprimit për festat e fund-vitit;
- Siguria në trafik;
- Raportimi dhe parandalimi i dhunës në familje;
- Informatë nga Drejtorja e Shërbimeve Publike lidhur me mirëmbajtjen e rrugëve dhe trotuareve për sezonin e dimrit;

Sa i përket përgatitjes së planit të veprimit për festat e fund-vitit, ne i marrim planet nga drejtoria rajonale dhe pastaj i finalizojmë sipas gjendjes që e kemi. Zakonisht planet operative bëhen për festat e fund vitit që fillojnë me 20 dhjetor dhe mbarojnë me 9 janar. Planin konkret vazhdimisht e bëjmë më herët dhe përgatitemi për sigurinë në trafik, parandalimin e veprave penale dhe mbrojtja e rendit dhe qetësisë publike në vendin ku festohet dhe ku ka më së shumti frekuentim të njerëzve.

Siguria në trafik mendojë se duhet me dhënë kontribut secili anëtar i KKSB-së në lokacionet ku vijnë dhe këshillat e fshatrave sepse po kemi aksidente në zona rurale. Në Komunën e Suharekës e kemi vetëm një aksident me fatalitet i cili ka ndodh në muajin gusht në fshatin Studenqan ku ka humbur jetën një i ri. Numri i aksidenteve është i njëjte sikurse në vitin e kaluar. Ne kemi rrit gjoba sanksionimi dhe për 9 muaj kemi shqiptuar 10.176 tiketa. Vitin e kaluar kemi pas shumë aksidente ndaj këmbësorëve dhe policia e Kosovës ka filluar ligjërata me shkollat e mesme. Në takimet dy javore që po i mbajmë, kemi kërkuar që trotuaret të kenë shenjëzim të ndalim-parkingut në qytet dhe problemi më i madh është rruga "Brigada 123".

Konkluzioni i radhës nga ky takim ka qenë: Policia e Kosovës të marrin aksione më të shpeshta në matjen e shpejtësisë së automjeteve si dhe të bëjnë kontrolla të vazhdueshme në qytetin e Suharekës, me qëllim të zhbllokimit të trotuareve nga parkimet e automjeteve, në vendet e pa lejuar për parking.

Sa i përket informatave të dhunës në familje për këtë nëntëmujor të këtij viti, kemi rënie të lehtë sa i përket dhunës në familje. Vitin e kaluar ka qenë ngritje shumë e madhe dhe shqetësuese të rastet e dhunës në familje. Faktorët kryesor që kanë ndikuar në rritjen e dhunës në familje kanë qenë rastet recidiviste.

Në raportin nëntë mujor të Policisë nga 60 raste që kemi pas vitin e kaluar tani kemi 43 raste. Raste me ndalim -31, me procedure të rregullt -14 raste, viktimë femra -31 raste (8 raste të mitura), të dyshuara femra-5 raste, të dyshuar meshkuj -38 raste (1 rast i mitur), viktimë meshkuj -9 raste, rastet në vende rurale-34, raste në qendër - 11. Për shkak të nevojës që të sensibilizohet çështja e parandalimit të dhunës në familje, ne jemi duke mbajtur ligjërata, ku kemi filluar prej këtij muaji me shkollat fillore dhe të mesëm të Komunës së Suharekës, ku prezent me neve kanë qenë edhe disa anëtar të Mekanizmit kundër dhunës në familje.

Konkluzione apo rekomandim nga ky takim ka dalë: që të organizohet një tryezë dhe të diskutohet me mekanizmat kryesorë, që të merren masa adekuate për parandalimin e dhunës në familje.

Komuna është përgatitur për të ju dalur në ndihëm qytetarëve sa i përket sezonit të dimrit, ne kemi kontraktuar firmën për pastrimin e rrugëve dhe trotuareve nga bora, e cila firmë ka për obligim që të jetë në dispozicioni e qytetarëve 24 orë, jemi të gatshëm të ju përgjigjem çdo kërkesë të qytetarëve për pastrimin e rrugëve dhe trotuareve aty ku është interesi i përgjithshëm i qytetarëve.

Konkluzione apo rekomandim nga ky takim ka dalë: që për pos mirëmbajtjeve të rrugëve dhe trotuareve gjatë sezonit të dimrit të bëhet mirëmbajtja dhe pastrimi i

rrugëve dhe torturave edhe gjatë sezonit të verës në tërë territorin e Komunës së Suharekës.

Në takimin e gjashtë (6) të rregullt të mbajtur me datën 14.12.2022, tema diskutimi kanë qenë:

- **Vetëdijesimi për rrezikun e përdorimit të mjeteve piroteknike;**
- **Identifikimi i vendeve ku dyshohet se të rinjtë tanë përdorin substanca narkotike;**
- **Përgatitja e planit të veprimit për vitin 2023;**

Konkluzion apo rekomandim nga ky takim ka dalë: që komuna të dal me një komunikatë për mediat për sqarimin dhe rrezikun që paraqesin mjetet piroteknike si dhe kohën e shitjes dhe përdorimit të tyre dhe se prej cilës moshë lejohet t'u shiten mjete piroteknike.

Dhe data 23.12.2022 deri më 03.01.2023 të lejohet shitja e mjeteve piroteknike dhe lokacioni caktohet të tregu javor.

Sipas të dhënave Policia e Kosovës është e përkushtuar në eliminimin e dukurive negative sidomos të personave që merren me substanca narkotike e me thekës të veçantë të rinjtë. Krahësuar me vitin e kaluar kemi një rast më pak. Kemi pas tre raste në Komunën tonë ku policia ka gjet sasi të konsiderueshme të narkotikëve. Si polici kemi bërë shkatërrimin e një laboratorit në Shirokë, pastaj arrestimin e një grupi kriminal në autostradën Ibrahim Rugova në hyrje të Reshtanit, pastaj në rrugën "Xhavit Sylaj" është bërë bastisje në dy shtëpi, ku është gjet sasi e konsiderueshme e llojit të kokainës dhe heroinës. Vitin e kaluar kemi dal me rekomandim që të rrënohen disa objekte të pabanuara ku dyshohet përdorimi i mjeteve narkotike, mirëpo nuk ka ndodh rrënimi i atyre objekteve për shkak të procedurave problematike pasi që nuk janë objekte që menaxhohen nga Komuna. Sa i përket shkollave, ka përmirësim, gjithë ashtu vendosja e kamerave ka ndikuar që ne të kemi më pak punë dhe të ndiqen dhe të zbulohen personat e dyshimtë.

Unë si kryetar i Komunës nuk jam i kënaqur me këtë gjendje sepse e kam përgjegjësi dhe obligim ndaj gjithë qytetarëve porë çështja e sigurisë nuk është në dorën time. Ne i kemi dhënë të gjitha sallat sportive që i kemi në qytet dhe nëpër fshatra në mënyrë që ti largojmë fëmijët tonë nga dukuritë negative dhe ti orientojmë nga sporti dhe kultura.

Gjithashtu konkluzion tjetër apo rekomandim nga ky takim ka dalë: që të rritet edhe më shumë bashkëpunimi i policisë me qytetarët dhe Policia me rroba civile të frekuentojnë vendet ku dyshohet se të rinjtë po veprojnë në përdorimin e substancave narkotike.

Me respekt!

Kryetari i Komunës

Bali MUHARREMAJ